

09 阮兜的少年廚子

鍾育紋

會記得頂學期的一個下晡，我看著阿兄坐佇冊桌仔頭前咧繩一疊單仔，閣擲筆佇頂頭直直做號頭。我好奇行倚去看，喔！原來是咧研究歇熱的職業體驗一日營隊。我心適興講欲鬥陣去，阿兄煞幌頭講：「你先罔看啦！等你欲升五年仔彼陣才有資格通去。」諱！著閣等兩冬，我就共阿兄司奶講：「佗一个較好耍？你若知愛共我報喔！」

單仔提來，我發現營隊閣真濟款。科技類、做料理的、藝術方面的，連按怎照顧動物伴的都有！阿兄揀啊揀，前幾志願講攏添煮食的，有煮意大利麵、烘外國肉餅的，嘛有教炒菜、做飲料、捏飯丸的，閣有彼會當看婧、食著嘛會歡喜的甜路，看甲我喙瀨滴欲規塗跤。阿爸笑笑仔講，等阿兄學轉來，咱才請伊好好仔教咱煮遮的好食物。

拄歇熱彼五工，阿兄逐日都走無全學校學煮食，無閒tshih-tshah。早起阿爸恚伊坐車去，下晝阿兄有樣看樣家已坐轉來。阿母講阿兄趁這個機會加真熟似公車車幫恰捷運路線，阿爸嘛發見伊的膽頭愈來愈在，講愛共拍嘆仔。啊若我咧，逐下晡若顧門的狗仔守佇門跤口 tsu-tsuh 相，相看阿兄閣紮啥轉來。伊捌紮過 phí-sah、sú-sih、雞肉糊，連婧甲若花的果子菜燕都有，這我毋甘食啦！

五工的課上煞，阿兄開始列食材，閣興 tshih-tshih 上網揣食譜，講菜鳥仔廚子欲來扞鼎灶囉。阿母聽一下笑咍咍，歡歡喜喜菜籃仔掂咧就去買菜。阿兄頭一出好料的是咖哩炒麵，看伊款料、洗菜、切蔥頭、焚芳逐項會，有勢都著！擣出來的麵色緻黃錦錦，足婧色的！氣味閣芳貢貢，我緊夾一喙仔食看見，有肉絲的芳、香菇的酥，菜食著清甜，麵閣滑溜恰喙。我做一睏食三盤，用實際的行動共阿兄呵咾兼說謝。過兩工伊換做 hām-bah-kah¹，足了工的呢！毋過家己親手做的肉排特別有滋味，肉煎甲赤赤，肉汁佇我喙裡跳 làng-suh。這聲害矣！我的小美人瘦抽計畫註定袂成矣啦！

閣兩禮拜是阿公的生日，我招阿兄做伙出兩出仔豐沛、健康閣誠意十足的料理，予阿公歡喜，祝伊勇健食百二！

¹hām-bah-kah：漢堡